



مشیتِ جلیلہٗ اسلامیہ نمکِ جریدہٗ رسیہ سید

صفر ۱۳۳۴ [*]

عدد: ۲۰

آیدہ بر نشرِ اولنور

ایکونجی سنہ

فتواخانه عالی مک مقرر ات نقضیه سی

« غلطه محکمه شرعیہ سندن صادر اولان ۹ ذی القعدہ ۱۳۴۲ تاریخلو اعلامک اسباب نقضیه سی »

اعلام مذکورده مدعیہ مزبورہ نک مهر مسما مدعاسنه اقامہ ایلدیکی شاهدلرک موافق مدعا شہادت ایتلمی و سراً لدی التزکیہ عدالتلری تظاهر ایدہرک مزکیء علی احضارندن عاجزہ اولسی اوزرینہ طلیله مدعی علیہ مومی الیہک تحلیفی اجرا ایلدیکی کوسترلمش اولسنہ نظراً مزبورہ مهر مسماحقندہ کی ادعاسنی اثباتدن بالکلیہ عاجزہ بولدیغی غیر منقہم اولقلہ برابر حادثہدہ مهر مثنی طلب ایدوب ایتیمہ جکی مزبورہدن استیضاح ایدیلہرک مهر مثنی ادعا وبو جہتی بر نہج شرعی اثبات ایلدیکی تقدیردہ مسماسنہ معادل ویا نقصان اولہرق تبین ایدہجک مهر مثنی مقدارندہ مع الیمین قولیلہ تصدیقی ومهر مثنی طلب ایتدیکی صورتدہ منع معارضہیہ حکم توقیعی مقتضی اولدیغی حالہ جہات مجوئہیہ مراعات ایدلمکسزین بر منوال مشروح توقیع قلنان منع غیر موجه اولدیغی کبی مدعی علیہ مومی الیہک فداء الیمین اعطاسنی تعہد ایلدیکی مبلغ مذکور ی طالب تحلیف اولسیلہ مزبورہ نک عدم قبولی منقہم بولمشیکن مبلغ مذکور حقندہ کی اقتضانک دخی وجهتی غیر ظاهر اولدیغندن قبولہ شایان اولماغین بو صورتدہ خصوص مذکورک محکمدہ اعادہ سی اقتضا ایدر .

★
★ ★

« بروہہ محکمه شرعیہ سندن ۲۵ ذی الحجہ ۱۳۴۳ تاریخلی صادر اولان اعلامک اسباب نقضیه سی »

اعلام مذکورده مدعیہ مزبورہ نک مماثلہ سی بولنان قز قزنداشی صدیقہ نک محاکمہ سابقہدہ مهر مثنلک اثباتنہ تصدی ایدیش اولدیغندن طولای ظہرندہ محرر اعلام نقض واعادہ اولندیغی نظر دقتہ الہرق مماثلہ مزبورہ صدیقہ نک مهر مسما سی اثبات ایدلمک ومهر مسما سی اولدیغی واثباتی قابل اولہمدیغی حالہ بوجہت تصریح ایدیلہرک مدعیہ مزبورہ نک دیگر قز قزنداشی ویا عمہ لری ویا بنت العمی کبی اقارب اسندن مماثلہ اخراسی بولنان مرأہ معینہ نک مهر مسما سی موقع ثبوتہ ایصال اولنمق ایجاب ایلر ایکن مہمل براغلمسنگ وجهتی غیر ظاهر اولدیغی کبی عمہ سی قزی مزبورہ رشیدہ نک مدعیہ نک اقارب

ابندن اولديني واولوجهله صفت قرابت تعين وتبين ايدلديكي جهته مزبورده نك ممانله ومهر ممانك مقياس اتخاذا اولنسي غير صحيح اولديغدن سبكي مختل اولديني .

★
★ ★

« مرسين قضاسي محكمه شرعيه سندن غره صفر ۱۳۳۱ تاريخي اعلامك اسباب نقضيه سي »

اعلام مذكوره عتي اذاعاواخبار ايدلسندنطولايي تحت حجره آلتش اولان مزبورده افتربينك تبعه يونانيه دن اولديني متن اعلامده مندرج اولسنه نظراً حادثه ده ممالك عثمانيه ده يولنان اجنييلرك حقوق ووظائفي حقنده كي ۲۱ ربيع الاخر ۱۳۳۱ تاريخي امر عالي اخيرك دردنجي ماده سي مفادينه توفيق معامله ايجاب ايدرايكن بوجهت نظر دفته آلتديني كي حجر قرارينك وصي تفريقي دخي غير موجه اولديغدن شاين قبول اولديني .

★
★ ★

« كوي سنجاق قضاسي محكمه شرعيه سندن ويريلان ۶ ذي القعدة ۱۳۳۳ تاريخي حجتك اسباب نقضيه سي »

حجت مذكوره نك نتيجه مالي صغيران مزبورانه قرق بش ليرا ديني اولديني مقرر مزبورك اقراريني حكايه ويانندن عبارت وحصة شايعة مذكوره نك وجه محرر اوزره رهن فاسد اولوب رهن فاسده ايسه عقد رهن دين اوزرينه سابق اولديني يعني رهن حصه شايعه بي مرتبه رهن وتسليم ايتدكدنصكره مقابله سنده مؤخرأ مبلغ مذكوري استدانه ايتش بولنديني صورته رهن فاسد مذكوره رهن صحيح احكامي جاري اوله رق مرتبه غرماء سائره دن مرهونه احق اولق ودين مذكور سابق ورهن فاسد لاحق بولنديني تقديرده اوقيل رهن فاسد حقنده رهن صحيح احكامي جريان ايدم مامك ايجابات عاليه شرعيه دن بولنديني جهته حادثه ده حصه شايعة مذكوره نك رهن لاحق ودين سابق اولديني روش اشعاردن مستبان اولسنه نظراً احكام رهنك عدم جرياني اعتباريله رهن فاسد مذكور رهن باطل منزله سنده اولديني .

★
★ ★

« بروسه ولايتي مركز محكمه شرعيه سندن اعطا اولنان ۴ صفر ۱۳۳۴ تاريخي اعلامك اسباب نقضيه سي »

اعلام مذكوره يكرمي ياشني متجاوزده بولنديني محرر اولان مزبورده فاطمه موهوبه خانمك روش اشعاردن منقسم اولديغنه نظراً ديلديكي محله اقامت ايدم بيله جك

بیر حالده اولدینی و بو مرتبه ایله مزبوریه مسنه اطلاق ایدیله میه جکی و والده سی مزبور نك اجنبی ایله متزوجه بولمسندن طولای حق حضانه سی ساقط اوله رق مدعی عم مزبورك مزبوریه بی شرعاً حق ضمی بولندینی نظر دقه آله رق حادثه ده مزبور نك والده سی نزدنده قالمسنه مصلحت شرعیه تحقق ایدر ایسه والده سی نزدنده ابقاسی و بو جهت مرتبه تحققه واصل اوله مدینی تقدیرده ولی مدعی مزبور تسلیمی ایجابات عالی شرعیه دن بولمشیکن مدعی مزبورك منع معارضه سی حقنده وجه محرر اوزره توقیع قلنان حکم اسباب موجبیه غیر مستند اولغله شایان قبول اولماغین بو صورتده ایجاب حالك ایفاسی ضمننده محله ارسالی اقتضا ایدر .

عن الظهیریه ان كانت بکراً فللاولياء حق الضم وان كان لا يخاف عليها الفساد ان كانت حديثة السن . واما اذا دخلت فی السن واجتمع لها رأيها او عقلها فليس للاولياء حق الضم ولها ان تنزل حيث احبت حيث لا يخاف عليها

« من نقل علی افندی »

الا اذا دخلت فی السن عبارة الوجیز مختصر المحيط الا اذا كانت مسنة ولها رأي وفي كفاية المتحفظ . ووفقه اللغة من رأي البیاض فهو اشیب واشمط ثم الشیخ فاذا ارتفع عن ذلك فهو من « رحیمی، ابن عابدین »



« دوزجه قضاسی محکمه شرعیه سندن اعطا اولنان ۱۷ ربیع الاول ۱۳۳۳ تاریخی اعلامك اسباب نقضیه سی »

اعلام مذکورده مهر مثلك تقدیرنده مرأه نك اولاً لابوین ویا لابقر قرنداشلرینك ثانیاً عماتنك ثالثاً لابوین همشیره سی قزلارینك رابعاً بنت العمنك مهر مسالرینه مراجعت و ترتیب مباحوئه رعایت مقبضی وحداث سن و حال الزوج وعدم الولد کبی اوصاف مهمه دخی نظر اعتنایه آلمق متحتم اولدینی حالده بو جهتله وجه لایقیله تدقیق ایدلماش و مزبوریه مهر مؤجل مساسندن زوجنك حیاتنده بیک غروشنی وجه محرر اوزره حط و تنزیل ایلدیکنی افاده ایتسنه نظراً حادثه ده مهر مثلك مقیاسیله تعین ایدن اوچیك غروش مهر مساسندن بیک غروشك اقراری موجبجه تنزیله متباقی ایکی بیک غروشك اداسنه حکم اقتضا ایدرایکن ایکی بیک بشیوز غروش ایله توقیع قلنان حکمك مداری مفقود بو صحت واستقامتی غیر ظاهر بولندیغندن نقصان و خللدن خالی اولدینی .



« چهارشنبه قضای محکمه شرعیہ سندن اعطا اولنان ۱۳ ذی القعدہ ۱۳۳۳ تاریخی اعلامک اسباب نقضیہ سی »

اعلام مذکورده صغیر مزبورک ولی اقربى باباسی مدعی مزبور موجود اولدیغی حالده جدی مزبورک عقد واقع فضولیسنه مدعی مزبور طرفدن اجازت ویرلدیکی طرف دعواده تصریح و بیان ایدیله رک دعواى قائمه نك تصحیحنه اهتمام اولنمادیغی وحادثه ده آلم ویردم لفظلریله نکاحك انعقادینه سبق خطبه ویا تسمیه مهر کبی عقد نکاحه دلالت ایدن قرینه نك وجودی ویا جلسه نك عقد نکاح ایچون معقود مجلس اولمسنك تعیینی لابد ایکن جهات مبحوئه دخی دعوی وشهادته غیر مین بولندیغی کبی شاهدان مزبورانك منسوب اولمقلری محلدن علناً تزکیه ایدلملرینك مستند شرعیسی کوسترلمش وشاهدلرک استماعلرندن مقدم تحلیقلری دخی نامشروع بولنش واران ایدیلاں منزلك مسکن شرعی اولدیغی بالمعاینه تحقق ایتهدن مزبوره نك اطاعتنه تنبیه ایدلمش اولدیغندن سبکی مختل ومهر ذاتییه محاذی صورتله محکمه یه مخصوص مهر رسمی ایله توثیق ایدلمدیکی جهته ده قبوله غیر شایان اولغین وبو صورتده مدعی علیه وکیل مزبورک متن اعلامده مندرج افاده سی وجهله مدعی ولی مزبورک استکاحی تحقق ایتدیکی تقدیرده استکاح مبحوئ صغیر مزبور حقنه غیر مؤثر اولقله برابر متناقض اولسندن طولانی ولی مزبورک نکاح دعواسنی اقامه یه صلاحیت شرعیه سنی رفع وازاله ایده جکی نظر دفته الهرق مدعی علیها وکیلی مزبوردن استکاح مدافعه سنه بینه طلب واقامه ایتدیکی حالده استماعیله ثابت اولور ایسه مستکح ولی مزبورک محاکمه دن اخراجی وصغیرک حقوقی لاجل المحافظه قبل شرعدن تعیین اولنه جق وصی مواجهه سنده دعواى قائمه نك استماع وتدقیق وبرنهج شرع عالی فصل وحسمی اقتضا ایدر .

★
★ ★

« جده سنجافی محکمه شرعیہ سندن اعطا اولنان غره ذی القعدہ ۱۳۳۳ تاریخی اعلامک اسباب نقضیہ سی »

مفاد اعلام قتیلاً وفات ایدن مصطفی بن محمدک لابوین عمه سی سلیمه ایله لام خاله سی صالحه مجلس شرعه سید محمد مواجهه سنده مرقوم محمدک فرد خمس تعیر اولنور طبانجه دن رمی ایلدیکی رصاصه مورثلری مرقوم مصطفایه اصابت وجنب ایسرندن جرح ومعه سنه نفوذ ایدرک اولوجهله متأثراً وفات ایتکله دیت شرعیه سنی بعدالدعوی مدعیان مزبورتانک وراثتلی شاهدین معدلین شهادتلیله لدی الثبوت قاتل مرقومک طایعاً اقراری

موجبغه مقتول مزبورك دیتی اولان یكرمی اوچیک اوچوز اوتوز اوچ غروش اون ایکی پاره بر آچه نك ثلثانی اولان اون بش بیك بشوز الی بش غروش یكرمی برپاره بر آچه ایکی پولی عمه مزبوره سلیمه و ثلثی اولان یدیک یدیوز یتش یدی غروش اوتوزپاره ایکی آچه بر پولی دخی خاله مزبوره صالحه ادایه تنیه اولدینغی بیاندن عبارت اولوب آنجق مقتول مزبورك حر اولدینغه تعرض اولنماش و دیت رجل یكرمی اوچیک اوچوز اوتوز اوچ غروش اون اوچ پاره بر آچه اولدینغی حالدیه بوجهت سهولی کوسترلش و مزکی علمیلر شاهدان مزبورانك منسوب اولدقلى محل اهاالیسندن اولدقلى تصریح اولنماش و شاهدان مزبوران مقتول مزبورك مدعیان مزبورانندن ماعدا وارث آخری اولدینغه عدم معلومات بیان ایتدکلى حالدیه بوجه محرز شهادت مذکوره ایله انحصار وراثتک ثبوتنه حکم غیر موجه و دیت مذکوره نك سیم خالص اوله رق سنین ثلاثه ده تقاسیط ثلاثه ایله اداسنه حکم ایجاب ایدر ایکن وجه محرز اوزره بلا اجل توقيع حکم مخالف شرع عالی بولنمش اولغله سبکی مختلدر .

★
★ ★

« امامیه محکمه شرعیه سندن اعطا اولنان ۲۲ ذی الحجه ۱۳۳۲ تاریخی اعلامک اسباب نقضیه سی »

مدعیه مزبوره مهر معجل اوله رق زوجی متوفای مرقوم طرفدن کندوسنه تمایک ایدیلان اینکک فروغندن بر رأس دوکەنک طرفه تسلیمنی ادعا و مدعی علیها مزبوره دخی مذکور اینک کندی ملکی اولدینغی اولاً و اوغلی متوفای مرقومه هبه ایلدیکنی مؤخرأ افاده و مدعیه یتیمک ایلدیکنی انکار ایدرک اولوجهله دوکەنک ملکی اولدینغه طرفین متداعین متصادقان بولندقلى و شو حالدیه حادثه ترکه علیهنده بردعوان عبارت قالدینغی جلی و بارز ایکن بوجهتک سترینه تصدی بی معنی اولدینغی کبی بزازیده کی مسئله شرعیه « ولوقال هولی ثم قال ملکی بالشراء اوبالارث وبرهن لایقبل الا اذا صدق المدعی الینه » طرزنده بولدینغی حالدیه « الا اذا صدق المدعی الینه » عباره سی طی و اوجهتدن تغافل ایدیلهرک آنجق شهادته متوجه و مدعی طرفدن تصدیق ایله توفیقه محتاج اولدینغی تصریح ایدیلان مناقضه نك صورت توفیقی مجله نك ۱۷۰۹ ماده سنده تفصیلاتیه محرز و مصرح و مسائل معروفه و مشهوره عدادندن بولدینغی حالدیه تناقضک دعوایه حمل و صرفی و بزازیده کی

« لا یقبل » عبارہ سنک ملک مقید دعواسنک عدم استماعہ دلیل اولہرق ارأئہسی خطا ونامحل بولمشد ریمین توجہ ایدن ورثہ مورثلرینک بالفعل دینی اولدیغنی اقرار ایدرلرایسہ یمین استظهار لازم کلیہ جکی وآنجق دینی وار دیو اقرار ایدرلرایسہ استظهاراً تحلیف ایجاب ایدہ جکی فتاوی ابی السعوددہ مصرح ومحیطدہ « والفرق بین الاقرار والنکول ان الاقرار موجب للحق بنفسہ لایتوقف علی قضاءالقاضی فعین الاقرار تثبت الحق واما النکول فلیس باقرار لاصریحاً ولادلالة لکن یصیر اقراراً بقضاءالقاضی بانزالہ مقرأً دیو مسطور بولدیغنی وجهلہ صریحاً ودلالة اقرار اولیان نکولک جہت شرعیہ ما یتنی اکتساب ایدہ بیللمسی قضاء قاضیہ اقتران واولو جہلہ نا کلک مقرر منزله سنہ انزالیلہ مقید ومشروط اولسنہ وترکہ علیہندہ اقامہ ایدیلاں دین وعین دعوالرندہ بلا تحلیف توقیع قلذان قضا یا شرعاً غیر نافذ بولمسنہ بناء قضاء قاضیہ غیر متقرن بولنان نکولک اقرار عدی قرین جواز شرع عالی اولہمیہ جغندن حادثہدہ استظهاراً تحلیفک لزوم ووجوبی واضح بولنش اولغلہ ظہر اعلامدہ کی ایجابہ توفیق معاملہ اولنق وخلاف شرع عالی مطالعات در میانیلہ حقوق عباد تأخراتہ دوچار ایدلماک اوزرہ مذکور قاضیلکہ اعادہ اولندی .

★
★ ★

« حوضہ قضایی محکمۂ شرعیہ سندن اعطا اولنان ۱۹ ذی القعدہ ۲۳۳ تاریخلی اعلامک اسباب نقضیہ سی »

اعلام مذکورده ایتم صندوقہ موضوع بولندیغنی کوستریلان ائمان مذکورہ حقندہ مدعی علیہما مزبورانہ توجیہ خصومت ایدلمسنک وجهی غیرظاہر اولدیغنی کبی شاهدان مزبوران اوصاف معتبرۂ مماثلتی ذکر ایتدکلری ومدعیۂ مزبورہ قرنش قزی مزبورہدن اوصاف محررہدہ زیادہ بولندیغنی افادہ ایتدکلری جہتلہ مماثلت متحققہ وشہادت مذکورہ مہر مثک ثبوتندہ مرتبۂ کفایہدہ اولماقلہ برابر درر غررک باب المہرندہ « اختلافا فی المہر ففی اصلہ یجب مہر المثل یعنی لو قال احد الزوجین لم یسم المہر وقال الآخر قد سمي فان اقام البینۃ قبلت والا یستحلف المنکر فان نکل ثبت دعوی التسمیۃ وان حلف یجب مہر المثل الخ قال مشایخنا هذا کله اذالم تسلیم نفسها فان سلمت ثم وقع الاختلاف فی الحیاة وبعدها فانه لا یحکم مہر المثل بل یقال اما ان تقری بما اخذت والا حکمنا علیک بالمتعارف فی المعجل ثم یعمل فی الباقی كما ذکرنا لانہا لا تسلیم نفسها الا بعد قبض شیء من المہر عادة الخ » دیو مسطور نقل شرعیہ توفیقاً حادثہدہ مہر مسمی حقندہ بالطلب مدعی علیہما مزبورانک تحلیلکری ونکول ایدرلرایسہ مدعابہ مہر مسمی ایلہ حم توقیع ویمین ایتدکلری ومزبورہ

مدخول بها بولنديني صورتده معجلاً مقبوض مقداريني اعتراف ايتسي لزومك والا قبضي متعارف اولان مقدار معجلك مقبوضيته حكم ايديله جكنك مزبورده تفهيمي ومتبقي حقنده معامله تحكيمه نك وجه شرعي اوزره اجراسي ايجابات عاليه شرعيه دن بولنمشكن جهات مذكوره نظردقه آلتيارق مهر معجل دخي تحكيمه ادخال ايدلمش وخرمن محلك وجه محرر اوزره خارجاً بيع وشراسي معتبر اولديني واولبايده كي ممنوعيت طرفين متعاقدين ميانه لرنده متحدث بيع وشرأ دعوالرينك استماعنه منحصر ومقتصر بولنديني جهته خرمين يري حقنده اقرارلري موجبجه مدعي عليهما مزبورانك الزاملري ايجاب ايدر ايكن غير معتبر عديله ثمنك تركه دن استردادينه حكم توقيعي مغاير اصول بولنمش اولمغله سبكي مختلدر.

تليقات عمومي

« حرب اوزرنده ارتحال ايليان نفقات وضابطان تركه سنك خرج قسمت واعلامدن معفو طوتلمشه دائر »

لكه لي حمان وفات ايدن ضباط ومنسوبين عسكريه مخلصاتنك ورثه يه تسليمي صره سنده كنيه لري اوزرنده شهيد دينلماش اولماسندن طولاي اثبات وراثت ايچون خرج طلب ايدلمكده اولديغندن بحثله استفسار معامله يي حاوي حريه نظارت جليله سندن بوارد اولان تذكره اوزرينه اموال ايتامك صورت اداره سي حقنده كي ۱۵ نيسان سنه ۱۳۲۲ تاريخي نظامنامه نك يوز اون اوچنجي ماده سنه كوره كيفيت وفاتلري هر هانكي بر سبب وعلتن متولد اولورسه اولسون على الاطلاق حرب اوزرنده ارتحال ايليان بالعموم نفقات وضابطانك تركه لري خرج قسمت واعلامدن معفو طوتلمش اولديغندن آكا كوره ايفاي مقتضاسي لزومي شوراي دولت ماليه ونافعه دائره سندن يا مضبطه انبا قلنديغنه دائر ورود ايدن تذكره ساميه مجلس تدقيقات شرعيه يه لئدي الحواله بر موجب قرار ايفاي معامله ضمننده كيفيتك تعمياً قضاة كرامه اشعاري افاده اولنه رق آيجابي اجرا قلنمش اولمغله طرف فاضلانله لرندن دخي اول وجهله اقتضاسنك ايفاي ونسخ ملفوفه نك ملحقات قضاتنه اسراسنه همت اولنسي سياقنده شقه محبي ترقيم قلندي .

في ۱۹ صفر سنه ۱۳۳۴ و في ۱۴ كانون اول سنه ۱۳۳۱